

# Statistikat e Pagave


## Tremujori I / 2025

**Tiranë, 11 Qershor 2025:** Gjatë tremujorit të parë 2025, paga mesatare mujore bruto për një të punësuar me pagë në Shqipëri ishte 82.210 lekë, me një rritje prej 11,6 %, krahasuar me tremujorin e parë 2024.

### Pagat sipas aktiviteteve ekonomike dhe profesioneve

- Aktivitetet ekonomike me pagë mesatare më të lartë se mesatarja kombëtare:
  - Aktivitetet Financiare dhe të Sigurimit
  - Informacioni dhe komunikacioni
- Rritja më e madhe e pagës, krahasuar me tremujorin I 2024:
  - Administrata publike, sigurimi social i detyrueshëm, arsimi, shëndetësia dhe aktivitetet e punës sociale: +16,7 %
- Rritja më e vogël, krahasuar me tremujorin I 2024:
  - Industria: +5,2 %
- Profesionet me pagë mesatare më të lartë se mesatarja kombëtare:
  - Menaxherë, Ligjvënës, Drejtorë ekzekutivë
  - Specialistë me arsim të lartë (profesionistë)
- Rritja më e madhe e pagës, krahasuar me tremujorin I 2024:
  - Forcat e armatosura dhe Specialistë me arsim të lartë përkatësisht prej 23,1 % dhe 13,7 %
- Rritja më e vogël, krahasuar me tremujorin I 2024:
  - Punonjës të kualifikuar të bujqësisë pyjeve dhe peshkimit: +5,3 %

Fig. 1 Paga mesatare mujore bruto për një të punësuar me pagë në Shqipëri (lekë) <sup>1</sup>




<sup>1</sup>Shpërblimet dhe shtesat mbi pagë janë një pjesë e pagës mesatare mujore bruto për një të punësuar me pagë, të cilat në fund të çdo gjashtëmujori rrisin ndjeshëm pagën mesatare mujore bruto (shih shënimin metodologjik).

### Shpërndarja e të punësuarve sipas nivelit të pagës

Sipas të dhënave, gjatë kësaj periudhe është vërejtur një ulje e numrit të punonjësve me pagë minimale dhe një rritje e numrit të punonjësve me paga më të larta.

Fig.2 Shpërndarja e të punësuarve me page sipas grupeve të pagës mesatare mujore bruto



Për më shumë informacion dhe për të parë tabelat e detajuara, vizitoni bazën e të dhënave në faqen zyrtare të INSTAT: [Statistikat e Pagave](https://www.instat.gov.al/)

# Metodologjia

Publikimi i të dhënave për pagat përmbajnë të dhëna të detajuara për nivelin e pagave, shpërndarjes dhe ndryshimin e tyre përgjatë tremujorëve. Këto statistika ofrojnë një mundësi për të krahasuar pagat në industri të ndryshme dhe në grup-profesione të ndryshme. Statistikat mbi pagat janë gjithashtu të një rëndësie të veçantë për monitorimin e treguesve ekonomikë që përdoren nga politikë-bërësit, punëdhënësit dhe sindikatat për të vlerësuar kushtet e kërkesës dhe të ofertës për punë.

## Baza ligjore

- Ligji Nr. 17/2018 për Statistikat Zyrtare;
- Programi Kombëtar i Statistikave Zyrtare 2022-2026.
- Memorandimi i Bashkëpunimit me Drejtorinë e Përgjithshme të Tatimeve

## Burimi i informacionit

Burimi i të dhënave mbi pagat është Drejtoria e Përgjithshme e Tatimeve. Drejtoria e Përgjithshme e Tatimeve në bazë të memorandumit të bashkëpunimit i dërgon INSTAT-it, të dhënat nga Listëpagesa (E- SIG 025).

Ky formular shërben për deklarin e tre llojeve të detyrimeve tatimore :

- Të Kontributeve të Sigurimeve Shoqërore,
- Të Kontributeve të Sigurimeve Shëndetësore,
- Të Ardhurave nga Punësimi për punëmarrësit.

Variablat e skedarit janë tre lloje: variablat e skedarit origjinal nga DPT, variabla shtesë nga INSTAT dhe variabla të derivuar. Dy variablat kryesorë të interesit në këtë skedar janë Numri i punonjësve dhe Paga bruto paguar punëmarrësit.

## Përkufizime

*Paga mesatare mujore* - Në llogaritjen e pagës mesatare mujore bruto përfshihen vetëm numri i të punësuarve kontribues me pagë të cilët punojnë 18 apo më shumë ditë gjatë muajit referencë. Këta kontribues i përkasin të gjithë aktivitetëve ekonomike përfshi dhe aktivitetin e Bujqësisë, pyjeve dhe peshkimit që deklarohen në Drejtorinë e Përgjithshme të Tatimeve.

Paga mesatare mujore bruto përbëhet nga:

- Shtesa mbi pagë për funksione drejtuese,
- Shtesa mbi pagë për vjetërsi në punë,
- Shtesa mbi pagë për vështirësi në punë,
- Shtesa të tjera të rregullta (tituj, grada etj.),
- Shpërblime

Në pagën mesatare mujore bruto nuk zbriten kontributet personale dhe tatimi mbi të ardhurat.

*Mediana e pagës mujore bruto* - është paga mesatare mujore në mes të shpërndarjes së pagave.

*Paga reale* - është paga nominale e rregulluar me nivelin e ndryshimit të çmimeve.

*Paga minimale mujore* - është paga më e ulët e miratuar me vendim të Këshillit të Ministrave.

*Kontribues me pagë në sektorin e Bujqësisë, pyjeve dhe peshkimit* - konsiderohen të gjithë të punësuarit me pagë të deklaruar nga fermat/ndërmarrjet bujqësore të rregjistruara në Drejtorinë e Përgjithshme të Tatimeve.

### Klasifikime

- Klasifikimi i ndërmarrjeve është bërë sipas Nomenklaturës së Veprimtarive Ekonomike, NVE Rev. 2, si më poshtë:

| NVE Rev.2<br>(Seksioni) | Përshkrimi                                                                                                                                   |
|-------------------------|----------------------------------------------------------------------------------------------------------------------------------------------|
| <b>A</b>                | Bujqësia, pyjet, peshkimi                                                                                                                    |
| <b>B</b>                | Industria nxjerrëse                                                                                                                          |
| <b>C</b>                | Përpunimi                                                                                                                                    |
| <b>D</b>                | Energjia elektrike, furnizimi me gaz, avull dhe ajër i kondicionuar                                                                          |
| <b>E</b>                | Furnizimi me ujë, aktivitete tjetrajtimit dhe menaxhimit të mbeturinave, mbetjeve                                                            |
| <b>F</b>                | Ndërtimi                                                                                                                                     |
| <b>G</b>                | Tregtia me shumicë dhe me pakicë; Riparimi i automjeteve dhe motoçikletave                                                                   |
| <b>H</b>                | Transporti dhe magazinimi                                                                                                                    |
| <b>I</b>                | Akomidimi dhe shërbimi ushqimor                                                                                                              |
| <b>J</b>                | Informacioni dhe komunikacioni                                                                                                               |
| <b>K</b>                | Aktivitete financiare dhe të sigurimit                                                                                                       |
| <b>L</b>                | Aktivitete të pasurive të paluajtëshme                                                                                                       |
| <b>M</b>                | Aktivitete profesionale, shkencore dhe teknike                                                                                               |
| <b>N</b>                | Shërbime administrative dhe mbështetëse                                                                                                      |
| <b>O</b>                | Administrimi publik dhe mbrojtja; Sigurimi social i detyrueshëm                                                                              |
| <b>P</b>                | Arsimi                                                                                                                                       |
| <b>Q</b>                | Shëndetsia dhe aktivitete tëpunës sociale                                                                                                    |
| <b>R</b>                | Arte, argëtim dhe çlodhje                                                                                                                    |
| <b>S</b>                | Aktivitete të tjera shërbimi                                                                                                                 |
| <b>T</b>                | Aktivitetet të familjeve si punëdhënës; Aktivitete të prodhimit të mallrave e shërbimeve të pandryshueshme të familjeve për përdorimin e vet |
| <b>U</b>                | Aktivitete të organizatave dhe organizmave ndërkombëtare                                                                                     |

- Klasifikimi i profesioneve është bërë sipas Klasifikimit Ndërkombëtar të Profesioneve, ISCO-08, si më poshtë:

| ISCO_08   | Përshkrimi                                                             |
|-----------|------------------------------------------------------------------------|
| <b>1.</b> | <b>Manaxher</b>                                                        |
| <b>2.</b> | <b>Specialistë me arsim të lartë (profesionistë)</b>                   |
| <b>3.</b> | <b>Teknikë dhe specialistë në zbatim</b>                               |
| <b>4.</b> | <b>Nëpunësit</b>                                                       |
| <b>5.</b> | <b>Punonjës të shitjeve dhe të shërbimeve</b>                          |
| <b>6.</b> | <b>Punonjës të kualifikuar të bujqësisë pyjeve dhe peshkimit</b>       |
| <b>7.</b> | <b>Zejtare, artizanë dhe profesione të lidhura me to</b>               |
| <b>8.</b> | <b>Punonjës të montimit dhe përdorimit të makinerive dhe pajisjeve</b> |
| <b>9.</b> | <b>Punëtorë (Profesione elementare)</b>                                |
| <b>0.</b> | <b>Forcat e Armatosura</b>                                             |